

唐書合鈔

唐書卷第二百六

列傳三頁

穆寧

子贊 質 員 賞

崔邠

弟 鄒

鄒 鄒

竇羣

兄常 弟羣

牟 庠

李遜

弟建 子訥

遜子方元

方元訥皆

從新書增

薛戎

弟放

穆寧懷州河內人也父元休以文學著撰洪範外傳十篇開元中獻之元宗賜帛授偃師縣丞安陽令寧清慎剛正重交遊以氣節自任少以明經調授鹽山尉是時安祿山始叛僞署劉道元爲景城守寧唱義起兵斬道元首傳檄郡邑多有應者賊將史思明來寇郡寧以攝東光令將兵禦之思明遣使說誘寧立斬之郡懼賊怨

深後大兵至奪寧兵及攝縣初寧佐採訪使巡按常過平原與太守顏真卿密揣祿山必叛至是真卿亦唱義舉郡兵以拒祿山會間使持書遺真卿曰夫子爲衛君乎更無他詞真卿得書大喜因奏署大理評事河北採訪支使寧以長子屬母弟曰惟爾所適苟不乏嗣吾無累矣因往平原謂真卿曰先人有嗣矣古所謂死有輕於鴻毛者寧是也願佐公以定危難真卿深然之其後寧計或不行真卿迫蹙棄郡夜渡河而南見肅宗於鳳翔帝問拒賊之狀真卿曰臣不用穆寧之言功業不成帝奇之發驛召寧將以右職待之會真卿以抗直失旨

事遂止上元二年累官至殿中侍御史佐鹽鐵轉運使

住塌橋

副元帥李光弼

屯徐州餉不

以餉運不繼或惡寧

者誣譖於光弼光弼揚言欲殺寧

或勸寧去寧曰避之失守亂自我始何所

逃罪

寧直抵徐州見光弼喻以大義不爲撓折光弼深

重之寧得行其職

光弼曰吾師衆數萬爲天子討賊食

答曰命寧主糧者敕也公可以檄取乎今公求糧而寧專饋寧有求兵而公亦專與乎光弼執其手謝曰吾固

知不可聊與君議耳時重其能守官寶應初轉侍御史爲河南轉運租庸

鹽鐵等副使明年遷戶部員外郎無幾加兼御史中丞

爲河南江南轉運使廣德初加庫部郎中是時河運不

通漕輓由漢沔自商山達京師選鎮夏口者詔以寧爲

鄂州刺史鄂岳沔都團練使及淮西鄂岳租庸鹽鐵沿江轉運使賜金紫時淮西節度使李忠臣貪暴不奉法設防戍以稅商賈又縱兵士剽劫行人殆絕與寧夾淮爲理憚寧威名寇盜輒止沔州別駕薛彥偉坐事忤旨寧杖之致死寧坐貶虔州司馬重貶昭州平集尉大厯四年起授監察御史領轉運留後事於淄青間一年改檢校司封郎中兼侍御史領轉運留後事於江西明年拜檢校祕書少監兼和州刺史理有善政居無何官罷代寧者以天寶版籍校見戶誣以逋亡多坐貶泉州司戶寧子贊守闕三年告冤詔遣御史按覆而人戶增倍

詔書召寧除右諭德寧強毅不能事權貴執政者以爲不附已且憚其難制故處之散位寧默默不得志且曰時不我容我不時徇則非吾之進也在於退乎辭病居家請告幾十旬者數矣親友強之復一朝請上居奉天寧詣行在再拜祕書少監興元初改右庶子德宗還京師寧曰可以行吾志矣因移病歸東都貞元六年就拜祕書監致仕寧好學善教諸子家道以嚴稱事寡姊以悌聞通達體命未嘗服藥每誡諸子曰吾聞君子之事親養志爲大直道而已慎無爲諂吾之志也

嘗識家  
令訓諸

子人貞元十年十月卒時年七十九四子贊質員賞

一通

贊字相明釋褐爲濟源主簿時父寧爲和州刺史以剛直不屈於廉使遂被誣奏貶泉州司戶參軍贊奔赴闕庭號泣上訴詔御史覆問寧方得雪詔曰令子申父之冤憲臣奉君之命楚劍不衝於牛斗秦臺自洗於塵埃由是知名累遷京兆兵曹參軍殿中侍御史轉侍御史分司東都時陝州觀察使盧岳妾裴氏以有子岳妻分財不及訴於官贊鞫其事御史中丞盧侶佐之令深繩裴罪贊持平不許宰臣竇參與侶善參侶俱持權怒贊以小事不受指使遂下贊獄侍御史杜倫希其意誣贊受裴之金鞭其使以成其獄甚急贊弟賞馳詣闕搥登

聞鼓詔三司使覆理無驗出爲郴州刺史參敗徵拜刑部郎中因次對德宗嘉其才擢爲御史中丞時裴延齡判度支以姦巧承恩屬吏有贓犯贊鞠理承伏延齡請曲法出之贊三執不許以款狀聞延齡誣贊不平貶饒州別駕丁母憂再轉虔常二州刺史憲宗卽位拜宣州刺史御史中丞充宣歙觀察使所莅皆有政聲永貞元年十一月卒時年五十八贈工部尚書贊與弟質員賞以家行人材爲搢紳所仰贊官達父母尚無恙家法清嚴贊兄弟奉指使笞責如僮僕贊最孝謹

質強直應制策入第三等其所條對至今傳之自補闕



唐書三卷 四  
至給事中時政得失未嘗不先論諫元和初掌賦使院  
多擅禁繫戶人而有笞掠至死者質乃論奏鹽鐵轉運  
司應決私鹽繫囚須與州府長吏監決自是刑名畫一  
憲宗以王承宗叛用內官吐突承璀爲招討使質率同  
列伏閣論奏言自古無以中官爲將帥者上雖改其名  
心頗不悅尋改質爲太子左庶子五年坐與楊憑善出  
爲開州刺史未幾卒

員

字與直

工文辭尚節義杜亞爲東都留守辟爲從事檢

校員外郎早卒有文集十卷質兄弟俱有令譽而和粹  
世以滋味目之贊俗而有格爲酪質美而多入爲酥員

爲醜酬賞爲乳腐近代士大夫言家法者以穆氏爲高

先是韓休家訓子姪至嚴貞元間言家法者尚韓穆二門云

崔邠字處仁清河武城人祖結

新書宰相世系表作佶

父儻

世系表作

隋官卑

三世一舉當時言治家者推其法至德初獻賦行在肅宗異其文位吏部侍郎

邠少舉

進士又登賢良方正科貞元中授渭南尉遷拾遺補闕常疏論裴延齡爲時所知以兵部員外郎知制誥至中書舍人凡七年又權知吏部選事明年爲禮部侍郎轉吏部侍郎賜金紫邠溫裕沈密尤敦清儉上亦器重之裴珣將引爲相病難於承答事竟寢兄弟同時奉朝請者四人頗以孝敬怡睦聞後改太常卿知吏部尚書銓

事故事太常卿初上大閱四部樂於署觀者縱焉邠自  
私第去帽親導母輿公卿逢者迴騎避之衢路以爲榮  
居母憂歲餘卒元和十年三月也時年六十二新書贈  
六十  
吏部尚書諡曰文簡弟鄴鄴鄴鄴等六人新書鄴子  
鄴兄  
璿璜璿子彥融皆登進士第歷位臺閣

鄴少有文學舉進士元和中歷監察御史大和元年十  
月自太子詹事拜左金吾衛大將軍鄴昆弟六人仕官  
皆至三品邠鄴鄴三人知貢舉掌銓衡冠族聞望爲時  
名德崔氏四世總麻同爨居光德里構便齋宣宗聞而  
歎曰鄴一門孝友可爲士族法因題曰德星堂後  
京兆民卽其里鄴大和九年冬爲左金吾衛大將軍無  
爲德星社云

病暴亡

以韓約代之

不旬日有訓注之亂其亂始自金吾

死約

難於

君子乃知鄙之亡崔氏積善之徵也贈禮部尚書子

瑄

鄆字廣略舉進士平判入等授集賢殿校書郎三命升朝爲監察御史刑部員外郎資質秀偉神情重雅人望而愛之終不可捨不知者以爲事高簡拘靜默耳居內憂釋服爲吏部員外郎姦吏不敢欺孤寒無援者未嘗留滯銓敘之美爲時所稱再遷左司郎中元和十三年鄭餘慶爲禮儀詳定使選時有禮學者共事以鄆爲詳定判官吏部郎中十五年遷諫議大夫穆宗卽位荒於

禽酒坐朝常晚鄜與同列鄭覃等延英切諫

鄜進曰十一聖之功

德四海之大萬國之衆其治其亂繫於陛下自山以東百城地千里昨日得之今日去之西望戎壘距宗廟十舍百姓憔悴畜積無有願陛下親政事以幸天下穆宗甚嘉之畋遊稍簡長慶

中轉給事中昭愍卽位遷侍講學士轉中書舍人入思

政殿謝恩鄜奏曰陛下用臣爲侍講半歲有餘未嘗問

臣經義今蒙轉改實慙尸素有媿厚恩帝曰朕機務稍

閒卽當請益高鉞曰陛下意雖樂善旣未延接儒生天

下之人寧知重道帝深引咎賜之錦綵鄜退與同列高

重抄撮六經嘉言要道區分事類凡十卷名曰諸經纂

要冀人主易於省覽上嘉之賜錦綵二百匹銀器等其

年轉禮部侍郎東都試舉人凡兩歲掌貢士平心閱試

賞拔藝能所擢者無非名士至大中咸通之代爲輔相

名卿者十數人出爲陝州觀察使舊弊有上供不足奪

吏俸以益之歲八十萬鄜以廉使常用之直代之鄜曰

能贍私安暇恤民吾不能獨治安得自封卽以府常費

代之又詔賦粟輸太倉者歲數萬石民困於輸則又輦

而致之河鄜乃旁流爲大敖受粟實而注諸繡民悅忘輸之勞居二年政績聞於朝遷

鄂岳安黃等州觀察使又五年移浙江西道都團練觀

察使檢校禮部尚書至用寬政安疲人及居鄂渚則峻法嚴刑

未嘗貰一死罪治號以寬經月不答一人及莅鄂則嚴法峻誅一不貸或問其故曰陝土瘠而民勞吾撫之不暇猶恐其擾鄂土沃民剽雜以夷俗非用威莫能治政所以貴知變者也聞者服焉江湖

之間萑蒲是叢

自蔡叛鄂岳常苦兵江湖盜賊顯行郾修治鎧仗

因造蒙衝小

艦上下千里期月而盡獲羣盜凡三按廉車率由清簡

少事財用有餘人遂寧泰開成元年卒年六十九贈吏

部尚書諡曰德郾與兄邠弟郾等皆有令譽而郾疎財

恢廓昆仲所不及

居家怡然不訓子弟子弟自化室處痺漏無步廡至霖淖則客蓋而履以

就外子瑤瓊瑾珮璆瑤大和三年登進士第出佐藩方

入升朝列累至中書舍人大中六年知貢舉旋拜禮部

侍郎出爲浙西觀察使又遷鄂州刺史鄂岳觀察使終

於位瓊珮璆官至郎署給諫瑾大中十年登進士第累

居使府歷尚書郎知制誥咸通十三年知貢舉選拔頗

爲得人尋拜禮部侍郎出爲湖南觀察使

鄆登進士第

補渭南尉

累遷監察御史三遷考功郎中大和

三年以本官充翰林學士轉中書舍人六年罷學士

除

刑部郎中出副杜元穎西川節度府

八年爲工部侍郎集賢殿學士權知

禮部真拜兵部侍郎本官判吏部東銓事文宗勤於政

道每苦選曹訛弊延英謂宰臣曰吏部殊不選才安得

撫實無濫可釐革否李石對曰令錄可以商量他官且

宜循舊上曰循舊如配官耳賢不肖安能甄別帝召三

銓謂之曰卿等比選令錄如何注擬鄆對曰資敘相當

問其爲治之術視可否而擬之帝曰依資合得而才劣



者何授對曰與邊遠慢官帝曰如以不肖之才治邊民則疾苦可知也凡朝廷求理遠近皆須得人苟非其才人受其弊矣尋拜吏部侍郎開成二年出爲宣州刺史

兼御史中丞宣歙觀察使四年入爲太常卿七年以本官同中書門下平章事尋加中書侍郎銀青光祿大夫

會昌初李德裕用事與鄆弟兄素善鄆在相位累年罷

劍南西川節度使宣宗初以檢校尚書右僕射同平章事節度淮南歷方鎮太子師保卒

竇羣字丹列扶風平陵人新書京兆金城人案地理志扶風無平陵金城本始平疑

爲始平然不屬扶風未詳祖亶同昌郡司馬父叔向以工詩稱代宗

朝官至左拾遺羣兄常牟弟鞏皆登進士第唯羣獨爲

處士隱居毗陵以節操聞及母卒嚙一指置棺中因廬墓次終喪後學春秋於啖助之門人盧庇者著書三十卷號史記名臣疏貞元中蘇州刺史韋夏卿以邳園茂異薦兼獻其書不報及夏卿入爲吏部侍郎改京兆尹中謝日因對復薦羣徵拜左拾遺遷侍御史充入蕃使祕書監張薦判官羣因入對奏曰陛下卽位二十年始自草澤擢臣爲拾遺是難其進也今陛下以二十年難進之臣用爲和蕃判官一何易也德宗異其言留之復爲侍御史王叔文之黨柳宗元劉禹錫皆慢羣羣不附之其黨議欲貶羣官韋執誼止之羣嘗謁王叔文叔

文命徹榻而進羣揖之曰夫事有不可知者叔文曰如何羣曰去年李實伐恩恃貴傾動一時此時公逡巡路傍乃江南一吏耳今公已處實形勢又安得不慮路傍有如公者乎叔文雖異其言竟不之用憲宗卽位轉膳部員外郎兼侍御史知雜出爲唐州刺史節度使于頔素聞其名旣謁見羣危言激切頔甚悅奏留充山南東道節度副使檢校兵部郎中兼御史中丞賜紫金魚袋宰相武元衡李吉甫皆愛重之召入爲吏部郎中元衡輔政舉羣代已爲中丞羣奏刑部郎中呂溫羊士諤爲御史吉甫以羊呂險躁持之數日不下羣等怒怨吉甫三

年八月吉甫罷相出鎮淮南羣等欲因失恩傾之吉甫嘗召術士陳登宿於安邑里第翼日羣令吏捕登考劾僞構吉甫陰事密以上聞帝召登面訊之立辨其僞憲宗怒將誅羣等吉甫救之出爲湖南觀察使數日改黔州刺史黔州觀察使在黔中屬大水壞其城郭復築其城徵督谿洞諸蠻程作頗急於是辰錦生蠻乘險作亂羣討之不能定六年九月貶開州刺史在郡二年改容州刺史容管經略觀察使九年詔還朝至衡州病卒時年五十

新書五十五贈左散騎常侍

羣性狠戾頗復恩讐臨事不顧

生死是時徵入云欲大用人皆懼駭聞其卒方安二子

謙餘審餘兄常

常字中行大厯十四年登進士第居廣陵之柳楊結廬種樹不求苟進以講學著書爲事凡二十年不出貞元十四年鎮州節度使王武俊聞其賢遣人致聘辟爲掌書記不就其年杜佑鎮淮南奏授校書郎爲節度叅謀元和六年自湖南判官入爲侍御史轉水部員外郎出爲朗州刺史歷固陵潯陽臨川三郡守入爲國子祭酒求致仕寶厯元年卒時年七十

贈越州都督

子宏餘會昌中

爲黃州刺史

牟字貽周貞元二年登進士第試祕書省校書郎東都

留守巡官歷河陽昭義從事檢校水部郎中賜緋

晚從昭義

盧從史從史寢驕牟度不可諫卽移疾歸東都從史敗不以覺微避去自賢

再爲留守判官

入爲都官郎中出爲澤州刺史入爲國子祭酒

新書司業

長

慶二年卒時年七十四子周餘大中年祕書監牟弟庠

庠字胄卿釋褐國子主簿吏部侍郎韓臯出鎮武昌辟

爲推官臯移鎮浙西奏庠爲節度副使殿中侍御史遷

澤州刺史又爲宣歙副使除奉天令登州刺史東都留

守判官歷信婺二州刺史卒年六十三子繇載

鞏字友封元和二年登進士第袁滋鎮滑州辟爲從事

滋改荆襄二鎮皆從之掌管記之任平盧薛平又辟爲

副使人朝拜侍御史歷司勳員外郎刑部郎中元稹觀  
察浙東奏爲副使檢校祕書少監兼御史中丞賜金紫  
稹移鎮武昌鞏又從之鞏能五言詩昆仲之間與牟詩  
俱爲時所賞重

爲聯珠集行於時義  
取昆弟若五星然

性溫雅多不能持

論士友言議之際吻動而不發白居易等目爲嚙嚙翁  
終於鄂渚時年六十子六人景餘師裕最知名

李遜字友道後魏申公發之後於趙郡謂之申公房曾  
祖進德太子中允祖珍玉昌明令父震雅州別駕世寓  
於荊州之石首遜登進士第辟襄陽掌書記復從事於  
湖南主其留務頗有聲績累拜池濠二州刺史先是濠

州之都將楊騰削刻士卒州兵三千人謀殺騰騰覺之  
走揚州家屬皆死濠兵不自戢因行攘剽及遜至郡餘  
亂未殄徐驅其間爲陳逆順利害之勢衆皆釋甲請罪  
因以寧息觀察使旨限外徵役皆不從入拜虞部郎中  
元和初出爲衢州刺史以政績殊尤遷越州刺史兼御  
史大夫浙東都團練觀察使先是貞元初皇甫政鎮浙  
東嘗福建兵亂逐觀察使吳誥政以所鎮實壓閩境請  
權益兵三千俟賊平而罷賊平向三十年而所益兵仍  
舊遜視事數日舉奏停之遜爲政以均一貧富扶弱抑  
強爲已任故所至稱理九年入爲給事中遜以舊制隻



日視事對羣臣遜奏論曰事君之義有犯無隱陳誠啓沃不必擇辰今羣臣敷奏乃候隻日是畢歲臣下覩天顏獻可否能幾何憲宗嘉之乃許不擇時奏對俄遷戶部侍郎元和十年拜襄州刺史充山南東道節度觀察等使襄陽前領八郡唐鄧隋在焉是時方討吳元濟朝議以唐蔡鄰接遂以鄧隸唐州三郡別爲節制命高霞寓領之專俟攻討遜以五州賦餉之時遜代嚴綬鎮襄陽綬以八州兵討賊在唐州旣而綬以無功罷兵柄命高霞寓代綬將兵於唐州其襄陽軍隸於霞寓軍士家口在襄州者遜厚撫之士卒多捨霞寓亡歸旣而霞寓

爲賊所敗乃移過於遜言供饋不時震寓本出禁軍內  
官皆佐之旣貶官中人皆言遜撓震寓軍所以致敗上  
令中使至襄州聽察曲直奏言遜不直乃左授太子賓  
客分司又降爲恩王傅十三年李師道効順命遜爲左  
散騎常侍馳赴東平諭之師道得語意動卽請効順旋  
爲其下所惑而止遜還未幾除京兆尹改國子祭酒十  
四年拜許州刺史檢校禮部尚書充忠武節度陳許潁蔡等州  
觀察處置等使是時新羅兵戰難遽完緝及遜至集大  
軍與之約束嚴具示賞罰必信號令數百言士皆感悅  
長慶元年幽鎮繼亂遜請身先討賊不許但命以兵一

萬會於行營遜奉詔卽日發兵故先諸軍而至由是進位檢校吏部尚書尋改鳳翔節度使行至京師以疾陳乞改刑部尚書長慶三年正月卒年六十三廢朝一日贈尚書右僕射遜幼孤寓居江陵與其弟建皆安貧苦易衣併食講習不倦遜兄造知二弟賢曰爲營丐成其志業建先遜一年卒兄弟同致休顯士君子多之諡曰恭肅

新書諡貞

造早卒

遜子方元字景業第進士裴誼奏署江西府判官有大獄論死者十餘囚

方元刺審其冤悉平貸之累爲池州刺史鉤檢戶籍所以差量徭賦者皆有科品程章吏不得私常曰沈約年八十手寫簿書蓋爲

此云終處州刺史

建字杓直家素清貧無舊業與兄造遜於荆南躬耕致

養嗜學力文

鄉人爭鬪不詣府而詣建平決無頗母憐其孝每字之曰痿子勸吾食吾輒飽進藥

吾意舉進士選授祕書省校書郎德宗聞其名

德宗思得文學

者或以建聞帝問左右宰相鄭珣瑜曰臣爲吏部時用當補校書者八人他皆藉貴勢以請建獨無有帝喜用

爲右

新書左

拾遺翰林學士

順宗立李師古以兵侵曹州建作詔論還之詞不假借王

叔文欲更之建不可

元和六年坐事罷職降詹事府司直高郢爲

御史大夫奏爲殿中侍御史遷兵部郎中知制誥自以

草詔思遲不願司文翰

宰相有竄定詔稟者亟請解職

改京兆尹與宰

相韋貫之友善貫之罷相

會遜被讒建申治之

建亦出爲澧州刺

史徵拜太常少卿尋以本官知禮部貢舉建取捨非其

人又惑於請託故其年選士不精坐罰俸料明年除禮

部侍郎竟以人情不治改爲刑部建名位雖顯以廉儉

自處家不理垣屋士友推之長慶二年二月卒贈工部

尚書三子訥恪朴訥最知名訥字敦止及進士第遷累中書舍人爲浙東觀察使

性疎下遇士不以禮爲下所逐貶朗州刺史召爲河南尹時久雨洛暴漲訥行水魏王堤懼漂泊疾馳去水遂

大毀民廬議者薄其材初訥與宰相楊收居接收欲市訥冗舍以廣第訥叱曰先人舊廬爲權貴優笑地耶

官至華州刺史檢校尚書右僕射凡三爲華州刺史歷兵部尚書以太子太

傅卒遺命葬不請鹵簿避贈諡詔聽

薛戎字元夫河中寶鼎人少有學術不求聞達居於毗

陵之陽羨山年餘四十不易其操江西觀察使李衡辟

爲從事使者三返方應故相齊映代衡又留署職府罷

歸山福建觀察使柳冕表爲從事累月轉殿中侍御史  
會泉州闕刺史冕署戎權領州事是時姚南仲節制鄭  
滑從事馬總以其道直爲監軍使誣奏貶泉州別駕冕  
附會權勢欲構成總罪使戎按問曲成之戎以總無辜  
不從冕意別白其狀戎還自泉州冕盛氣據衙而見賓  
客戎遂歷東廂從容而入冕度勢未可屈徐起以見一  
揖而退又構其罪以狀聞置戎於佛寺環以武夫恣其  
侵辱如是累月誘令成總之罪操心如一竟不動搖杜  
佑鎮淮南知戎之寃乃上其表發書論冕會冕亦  
病死戎難  
方解遂辭職寓居於江湖間後閻濟美爲福建觀察使

備聞其事奏充副使又隨濟美移鎮浙東改侍御史入

拜刑部員外郎出爲河南令

吐突承璀討鎮州所過吏迎廷畏不及治道前驅惟

我境內按故無所治遂留府卒犯令者縛置獄留守怒遣將畧出之不與

累改衢湖常三州

刺史遷浙東觀察使

所部州觸酒禁者罪當死橘未貢先鬻者死戎弛其禁

所莅

皆以政績聞居數歲以疾辭官長慶元年十月卒贈左

散騎常侍戎檢身處約不務虛名俸入之餘散於宗族

既病以所有分遺之曰吾死矣可持爲歸資衆皆哭而去

身歿之後人無譏焉兄弟

五人季弟放最知名

放登進士第性端厚寡言於是非不甚繫意累佐藩府

莅事幹敏官至試大理評事擢拜右拾遺轉補闕歷水

部兵部二員外郎遷兵部郎中憲宗以儲皇好書求端士輔導經義選充皇太子侍讀及穆宗嗣位未聽政間放多在左右密參機命穆宗常謂放曰小子初承大寶懼不克荷先生宜爲相以匡不逮放叩頭曰臣實庸淺獲侍冕旒固不足猥塵大位輔弼之任自有賢能其言無矯飾皆此類也穆宗深嘉其誠因召對思政殿賜以金紫之服轉工部侍郎集賢學士雖任非峻切而恩顧轉隆轉刑部侍郎職如故穆宗常謂侍臣曰朕欲習學經史何先放對曰經者先聖之至言仲尼之所發明皆天人之極致誠萬代不刊之典也史記前代成敗得失



之迹亦足鑒其興亡然得失相參是非無準的故不可  
爲經典比也帝曰六經所尚不一志學之士白首不能  
盡通如何得其要對曰論語者六經之菁華孝經者人  
倫之本窮理執要真可謂聖人至言是以漢朝論語首  
列學官光武令虎賁之士皆習孝經元宗親爲孝經注  
解皆使當時大理四海又寧蓋人知孝慈氣感和樂之  
所致也上曰聖人以孝爲至德要道其信然乎轉兵部  
侍郎禮部尚書判院事放閨門之內尤推孝睦孤孀百  
口家貧每不給贍常苦俸薄放因召對懇求外任其時  
偶以節制無闕乃授以廉問及鎮江西惟用清潔爲理

一方之人至今思之寶厯元年卒於江西觀察使廢朝

一日

諡曰簡

史臣曰穆祕監之剛正不奪如寒松倚巖千丈勁節而寶容州之敢決如鷲鳥逐雀英氣動人巖穴之流罕能及此然矯激過當君子不爲如堦如箴不通不介士行之美崔氏諸子有焉建遜之貞方戎放之道義元和已來稱爲令族宜哉

贊曰穆之贊質寶之常羣迹參時傑氣爽人文二李英英四崔濟濟薛氏三門難兄難弟

唐書卷第二十六

唐書卷第二百七

列傳三

于頔

子敏

方

季友

韓宏

子公武

弟充

李質

王智興

子晏平

宰

于頔字允元河南人也周太師燕文公謹之後也始以  
蔭補千牛調授華陰尉黜陟使劉灣辟爲判官又以櫟  
陽主簿攝監察御史充入蕃使判官再遷司門員外郎  
兼侍御史賜紫充入西蕃計會使將命稱於時論以爲  
有出疆專對之能歷長安縣令駕部郎中出爲湖州刺  
史因行縣至長城方山其下有水曰西湖南朝疏鑿溉  
田三千頃久堙廢頔命設隄塘以復之歲獲杭稻蒲魚

之利人賴以濟州境陸地褊狹其送終者往往不掩其棺槨頓葬朽骨凡十餘所改蘇州刺史濟溝瀆整街衢至今賴之吳俗事鬼頓疾其淫祀廢生業神宇皆撤去唯吳太伯伍員等三數廟存焉雖爲政有績然橫暴已甚追憾湖州舊尉封杖以計強決之觀察使王緯奏其事德宗不省及後頓累遷乃與緯書曰一蒙惡奏三度改官由大理卿改陝虢觀察使自以爲得志益恣威虐官吏日加科罰其惴恐重足一跡掾姚峴不勝其虐與其弟汎舟於河遂自投而死貞元十四年爲襄州刺史充山南東道節度觀察使地與蔡州鄰吳少誠之叛頓

率兵赴唐州收吳房朗山縣

禽其將李粲

又破賊於濯神溝

於是廣軍籍募戰士器甲犀利倜然專有漢南之地小

失意者皆以軍法從事因請升襄州爲大都督府比鄆

魏時德宗方姑息方鎮聞頔事狀亦無可奈何但允順

而已頔奏請無不從於是公然聚斂恣意虐殺專以凌

上威下爲務鄧州刺史元洪頔誣以贓罪奏聞朝旨不

得已爲流端州命中使監焉至隋州棗陽縣頔命部將

領士卒數百人劫洪至襄州拘留之中使奔歸京師德

宗怒笞之數十頓又表洪其責太重復降中使景忠信

宣旨慰諭遂除洪吉州長史然後洪獲赴謫所又怒判

官薛正倫奏貶峽州長史及敕下頤怒已解復奏請爲

判官德宗皆從之正倫卒未殯頤以兵圍其宅令孽男

逼娶其嫡女昵吏高洪縱使剝下別將陳儀不勝忿刺殺洪一府驚潰頤累遷至左

僕射平章事燕國公俄而不奉詔旨擅總兵據南陽朝

廷幾爲之旰食初襄有髯器天下以爲法至頤驕蹇故方帥不法者號襄樣節度及憲

宗卽位威肅四方頤稍戒懼以第四子季友求尚主憲

宗以長女永昌公主降焉其第二子方屢諷其父歸朝

入覲冊拜司空平章事請準杜佑月三奉朝請詔可元和中內官梁

守謙掌樞密頗招權利有梁正言者勇於射利自言與

守謙宗盟情厚頤子敏與之遊處正言取頤財賄言賂

守謙以求出鎮久之無效敏責其貨於正言乃誘正言之僮支解棄於溷中八年春敏奴王再榮詣銀臺門告其事卽日捕頓孔目官沈璧家僮十餘人於內侍獄鞫問尋出付臺獄詔御史中丞薛存誠刑部侍郎王播大理卿武少儀爲三司使按問乃搜死奴於其第獲之頓率其男贊善大夫正駙馬都尉季友素服單騎將赴闕下待罪於建福門門司不納退於街南負牆而立遣人進表閣門使以無引不受日沒方歸明日復待罪於建福門宰相諭令還第貶爲恩王傅敏長流雷州錮身發遣殿中少監駙馬都尉季友追奪兩任官階令其家循



省左贊善大夫正祕書丞方並停見任孔目官沈璧決  
四十配流封州奴犀牛與劉幹同手殺人宜付京兆府  
決殺敏行至商山賜死梁正言僧鑒虛並付京兆府決  
殺頤其年十月改授太子賓客久之拜戶部尚書十年王師討

淮蔡諸侯貢財助軍頤進銀七千兩金五百兩玉帶二

詔不納復還之又坐季友居喪荒宴削金紫光祿大夫

優禮非所以示責帝初欲頤告老宰相李逢吉謂得謝乃十三年頤表求致仕宰臣擬授太子少保御

筆改爲太子賓客其年八月卒贈太保諡曰厲其子季

友從獵苑中訴於穆宗會徐泗節度使賜諡曰思右丞

張正甫封敕請還本諡右補闕高鉞上疏論之曰夫諡

者所以懲惡勸善激濁揚清使忠臣義士知勸亂臣賊子知懼雖竊位於當時死加惡諡者所以懲暴戾垂沮勸孔子修春秋亂臣賊子懼蓋爲此也垂範如此尚不能救況又隳其典法乎臣風聞此事是徐泗節度使李愬奏請李愬勳臣節將陛下寵其勳勞賜其爵祿車服第宅則可若亂朝廷典法將何以沮勸仲尼曰唯名與器不可以假人名器君之所司若以假人與之政也政亡則國家從之頓頓鎮襄漢殺戮不辜恣行兇暴移軍襄鄧迫脅朝廷擅留逐臣徼遮天使當先朝嗣位之始貴安反側以靖四方幸免鈇鉞之誅得全腰領而斃誠

宜諡之繆厲以沮兇邪豈可曲加美名以惠姦宄如此  
則是于頔生爲姦臣死獲美諡竊恐天下有識之士謂  
聖朝無人有此倒置伏請速追前詔却依太常諡爲厲  
使朝典無虧國章不濫太常博士王彥威又疏曰古之  
聖王立諡法者所以彰善惡垂勸誠使一字之褒賞踰  
紱冕一言之貶辱過朝市此有國之典禮陛下勸懲之  
大柄也頔頃擁節旄肆行暴虐人神共憤法令不容擅  
興全師僭爲正樂侵辱中使擅止制囚殺戮不辜誅求  
無度臣故定諡爲厲今陛下不忍改賜爲思誠出聖慈  
實害聖政伏以陛下自臨宸扆懋建大中聞善若驚從

諫不倦況當統天立極之始所謂執法慎名之時一垂  
恩光大啓徼倖且如頤之不法然而陛下不忍加懲臣  
恐今後不逞之徒如頤者衆矣死援頤例陛下何以處  
之是恩曲於前而弊生於後若以李吉甫有賜諡之例  
則甫之爲相也有犯上殺人之罪乎以頤況之恐非倫  
類如以頤常入財助國改過來覲兩使絕域可以贖論  
夫傷物害人剝下奉上納賄求幸尤不可長其漸焉自  
兩河宿兵垂七十年王師憊征瘡痍未息及張茂昭以  
易定入覲程權以滄景歸朝故恩禮殊尤以勸來者而  
于頤以文吏之職居腹心之地而倔强犯命不獲已而

入朝豈茂昭之比乎縱有人財使遠之勤何以掩其惡

迹伏望陛下恩由義斷澤以禮成褒貶道存微倖路絕

則天下幸甚疏奏不報竟諡爲思

頓嘗制順聖樂舞獻諸朝又教女妓爲八

佾聲熊雄侈號孫吳順聖樂云

長慶中以戚里勳家諸貴引用于方復

至和王傅家富於財方交結遊俠務於速進元稹作相  
欲以其策平河朔羣盜方以策畫干稹而李逢吉之黨  
欲傾裴度乃令人告稹欲結客刺度事下法司按鞠無  
狀而方竟坐誅

韓宏潁川人其祖父無聞世居滑之匡城少孤依母族

舉明經不中從外家學騎射

劉元佐卽其舅也事元佐爲州掾累奏

試大理評事元佐卒子士寧被逐宏出汴州爲宋州南  
城將劉全諒時爲都知兵馬使貞元十五年全諒卒汴  
軍懷元佐之惠又以宏長厚其請爲留後環監軍使請  
表其事朝廷亦以元佐故許之自試大理評事檢校工  
部尚書汴州刺史兼御史大夫宣武軍節度副大使知  
節度事宋毫汴潁觀察等使時吳少誠遣人至汴密與  
劉全諒謀因曲環卒襲陳許會全諒卒其人在傳舍宏  
喜獲節鉞卽斬其人以聞立出軍三千助禁軍其討少  
誠汴州自劉士寧之後軍益驕恣及陸長源遇害頗輕  
主帥其爲亂魁黨數千百人宏視事數月皆知其人有

部將劉鏐者兇卒之魁也宏欲大振威望一日引短兵於衙門召鏐與其黨三百數其罪盡斬之以徇血流道

中宏對賓僚言笑自若自是訖宏入朝二十餘年軍衆

十萬無敢怙亂者

李師古屯曹州以謀鄭滑或告師古治道矣兵且至請備之宏曰師來不

除道也師古情得乃引去累授檢校左右僕射司空憲宗卽位加同

平章事時王鏐檢校司空平章事致書於宰臣武元衡

恥在王鏐之下憲宗方欲用形勢以臨淮西乃授以司

徒平章事班在鏐上及用嚴綬爲招討爲賊所敗宏方

鎮汴州當兩河賊之衝要朝廷慮其異志欲以兵柄授

之而令李光顏烏重胤實當旗鼓乃授宏淮西諸軍行

營都統令兵部郎中知制誥李程宣賜官告宏寶不離  
理所唯令其子公武率師三千隸李光顏軍宏雖居統  
帥常不欲諸軍立功陰爲逗撓之計每聞獻捷輒數日  
不怡其危國邀功如是吳元濟誅以統帥功加檢校司  
徒兼侍中封許國公罷行營都統十四年誅李師道收  
復河南三州宏大懼其年七月盡攜汴之牙校千餘人  
入覲對於便殿拜舞之際以其足疾命中使掖之宴賜  
加等預冊徽號大禮進絹三十五萬疋絁三萬疋銀器  
二百七十件三上章堅辭戎務願留京師奉朝請詔曰  
納大忠樹嘉績爲臣所以明極節錫殊寵進高秩有國



所以待元臣況乎邦教誕敷王言總會百辟攸憲四方  
式瞻永念於懷久虛其位載揚成命僉曰休哉宣武軍  
節度副大使知節度事汴宋亳潁等州觀察處置等使  
開府儀同三司守司徒兼侍中使持節汴州諸軍事汴  
州刺史上柱國許國公食邑三千戶韓宏降神挺材積  
厚成器中蘊深閎之量外標嚴重之姿有匡國濟時之  
心推誠不耀有夷兇禁暴之略仗義益彰自鎮浚郊二  
十餘載師徒稟訓而咸肅吏士奉法而愈明俗臻和平  
人用庶富威聲之重隱若山崇屬者淮濱濯征命統羣  
帥克殄殘孽惟乃有指縱之功及齊境興妖分師進討

遂梟元惡惟乃有略地之效旣聞旋旆俄請執珪深陳  
魏闕之誠遠繼韓侯之志朝天有慶就日方伸又抗表  
章固辭戎旅三加敦諭所守彌堅于藩于宣諒切於注  
意我弼我輔難違其忠懇式遂良願載兼上司論道之  
榮因之以齊八政中樞之長昇之以贊萬務元袞赤舄  
備於寵光不有其人孰膺斯任可守司徒兼中書令乃  
以吏部尚書張宏靖兼平章事代宏鎮宣武憲宗崩以  
宏攝冢宰十五年六月以本官兼河中尹河中晉絳節  
度觀察等使時宏弟充爲鄭滑節度使子公武爲鄜坊  
節度使父子兄弟皆秉節鉞人臣之寵冠絕一時二年

請老乞罷戎鎮三表從之依前守司徒中書令其年十

二月病卒時年五十八贈太尉

諡曰隱

賻絹二千疋布七

百端米粟千碩初宏鎮大梁二十餘載四州征賦皆爲

已有未嘗上供

始宏自汴來朝獻馬三千絹五十萬他錦綵三萬

有私錢百萬

貫粟三百萬斛馬七千匹兵械稱是專務聚財積粟峻法樹威而莊重寡言沈猜勇斷鄰封如吳少誠李師道輩皆憚之詔使宣諭宏多倨待及齊蔡賊平勢屈入覲兩朝寵待加等宏竟以名位始終人臣之幸也時公武已卒宏孫紹宗嗣

公武

字從偃起家衛尉主簿

自宣武馬步都虞候將兵誅蔡賊平

檢校右

新書左

散騎常侍鄜州刺史鄜坊節度使丁所生

憂起復金吾將軍仍舊職十四年父宏入朝公武乞罷節度入爲右金吾將軍旣而宏出鎮河中季父充移鎮

宣武公武歎曰二父聯居重鎮吾以孺子當執金之職家門之盛懼不克勝堅辭宿衛改右騎衛將軍性頗恭遜不以富貴自處宏罷河中居永崇里第公武別居宣

陽里之北門因省父無疾暴卒贈戶部尚書

諡曰恭

充

本名

依舅劉元佐歷河陽昭義牙將

李元爲河陽節度使署牙將元

改昭義又從之元嘗謂賓佐曰充後當貴諸君必善事之

及兄宏節制宣武召歸主

親兵

元曰我知君舊矣吾兒不才不足累君者二女方幼以爲託遂辭去

奏授御史大夫

宏頗酷法人人不自安充獨謙恭執禮未嘗懈怠繇是

徧得士心然以親逼權重常不自安固請人宿衛宏許之不即遣元

和六年因獵近郊單騎歸於洛陽時朝廷方姑息宏亦

憐充之無異志擢拜右金吾衛將軍十二月轉大將軍

斥軍士虛名不歷少府監十五年代姪公武為鄆坊節

度使檢校工部尚書長慶二年幽鎮魏復亂朝廷以王

承元有冀卒數千在滑州恐封疆相接復相勸誘命充

與承元更換所守檢校左僕射是歲汴州節度使李愿

被三軍所逐立都將李弁為留後朝廷以充久在汴州

眾心悅附命充為宣武節度使兼統義成之師往討弁

戰郭橋破之

會疥疽發腦屬兵於紀綱李質質以計誅首亂

送齊歸京師充遂不戰而入大梁時陳許李光顏亦奉

詔討齊軍於尉氏意欲必先收汴因大肆俘掠汴軍監

軍使姚文壽亦欲招許下之師充在中牟聞其謀率衆

徑至城下汴人素懷充來皆踴躍相賀無復疑貳始帝遣人

問破賊期充對汴天下咽喉臣頗習其人然王師臨之一月可破方二旬卽克帝喜曰充料敵若神詔加

檢校司空詔割潁州隸滑州充旣安堵密籍部伍間得

嘗構惡者千餘人一日下令并父母妻子立出之敢遂

巡境內者斬自是軍政大理汴人無不愛戴四年八月

例加司徒詔未至暴疾卒時年五十五贈司徒諡曰肅

充雖內外皆將家素不事豪侈常以簡約自持臨機決策動無遺悔善將者多之

李元沒充爲嫁二女周其家

李質者汴之牙將李弁旣爲留後倚質爲心腹及朝廷以弁爲郡守志邀節鉞質勸諭不從會弁疽發首乃與監軍姚文壽謀斬弁傳首京師有詔以韓充鎮汴充未至質權知軍州事使衙牙兵二千人皆曰給酒食物力爲之損屈充將至質曰若韓公始至頓去二千人日膳人情必大去若不除之後當無繼不可留此弊以遺吾帥遂處分停日膳而後迎充召爲金吾將軍長慶三年四月卒

王智興字匡諫懷州溫縣人也曾祖靖左武衛將軍祖  
瓌右金吾衛將軍父縉太子詹事智興少驍銳爲徐州  
衙卒事刺史李洎及李納謀叛欲害洎洎遂以徐州歸  
國納怒以兵攻徐甚急智興健行不四五口齎表京師  
求援德宗發朔方軍五千人隨智興赴之淄青圍解自  
是智興常以徐軍抗納累歷滕豐沛狄四鎮將自是二  
十餘年爲徐將元和中王師誅吳元濟李師道與蔡賊  
謀撓沮王師頻出軍侵徐徐帥李愿以所部步騎悉委  
智興以抗之鄆將王朝晏以兵攻沛智興擊敗之賊又  
合姚海率勁兵二萬圍豐攻城甚急智興復擊敗之於



賊壁獲美妾智興懼軍士爭之乃曰軍中有女子安得

不敗此雖無罪違軍法也卽斬之以徇

朝晏自沂以輕兵襲沛夜戰狄

邱復破之

累官至侍御史本軍都押衙十三年王師誅李師

道智興率徐軍八千

次胡陵

會諸道之師進擊

以騎昇其子晏平晏

宰爲先鋒自率軍繼之壞河橋收黃髓

與陳許之軍大破賊於金鄉拔魚

臺俘斬萬計以功遷御史中丞賊平授沂州刺史長慶

初河朔復亂徵兵進討穆宗素知智興善將遷檢校左

散騎常侍兼御史大夫充武寧軍節度副使河北行營

都知兵馬使初召智興以徐軍三千渡河徐之勁卒皆

在部下節度使崔羣慮其旋軍難制密表請追赴闕授

以他官事未行會赦王廷湊諸道班師智興先期入境羣頗憂疑令府僚迎勞且誠之曰兵士悉輸甲仗於外副使以十騎入城智興既首處賓僚聞之心動率歸師斬關而入殺軍中異已者十餘人然後詣衙謝羣曰此軍情也羣治裝赴闕智興遣兵士接送羣家屬至埧橋遂掠鹽鐵院緡幣及汴路進奉物商旅貲貨率十取七八逐濠州刺史侯宏度宏度棄城走朝廷以罷兵力不能加討遂授智興檢校工部尚書徐州刺史御史大夫充武寧軍節度徐泗濠觀察使自是智興務積財賄以賂權勢賈其聲譽用度不足稅泗口以裒益之

李齊攻宋州智

與悉銳師出宋  
西鄙破之漳口

累加至檢校僕射司空大和初李同捷

據滄德叛智興上章請躬督士卒討賊從之乃出全軍

三萬自備五月糧餉朝廷嘉之加檢校司徒同平章事

兼滄德行營招撫使初同捷狂桀犯命濟之以王廷湊

王師經年無功及智興拔棣州

既戰降其將十輩銳賊  
三千遂拔棣州

大懼諸軍稍務進取以智興首功加守太傅封鴈門郡

王賊平入朝上賜宴麟德殿賞賜珍玩名馬進位侍中

改許州刺史忠武軍節度陳許蔡等州觀察使大和七

年改授河中尹河中節度晉磁隰觀察等使智興因入

朝九年五月改汴州刺史宣武軍節度宋亳汴潁觀察

等使開成元年七月卒年七十九贈太尉不視朝三日  
葬於洛陽榆林之北原四鎮將校會葬者千人智興九  
子晏平晏宰晏阜晏實晏恭晏逸晏深晏斌晏韜而晏  
平晏宰最知名

晏平幼從父征伐以討李同捷功授檢校右散騎常侍  
靈州大都督府長史朔方靈鹽節度使丁父憂奔歸洛  
陽晏平居官貪黷去鎮日擅將征馬四百餘匹及兵仗  
七千事自衛爲憲司所糾減死長流康州以父喪未赴  
流所告於河北三鎮三帥上表救解請從昭雪改授撫  
州司馬給事中韋溫薛廷老盧宏宣封還制書改永州

司戶韋溫又執不下文宗令中使宣諭方行

晏宰於昆仲間最稱偉器大中後歷上黨太原節度使

扞迴鶻党項屢立邊功

晏宰後去晏獨名宰少拳果長隸神策軍甘露之變以功兼御

史大夫爲光州刺史有美政觀察使段文目薦之朝除

鹽州刺史持法嚴人不甚便累擢那寧慶節度使回鶻

平徙忠武軍討劉稹也詔宰以兵出魏博磁州當是

時何宏敬陰首鼠間宰至大懼卽引軍濟漳水宰相李

德裕建言河陽兵寡以忠武爲援旣以扞洛則并制魏

博遂詔宰以兵五千椎鋒兼統河陽行營進取其子晏

賊黨離沮德裕以宰乘破竹勢不遂取澤州以其子晏

實守磁爲顧望計帝有詔切責宰權急攻陵川破賊石

會關進攻澤州其將郭誼殺稹降宰傳稹首京師遂節

度太原宣宗初入朝厚結權倖求宰相周暉劾之乃還

軍吐蕃引党項回鶻寇河西詔統代北諸軍進擊以疾

不任事徙河陽罷爲太子少保分司東都進少傅卒晏

實性機警智興自養之故名與諸父

齒嶺平擢淄州刺史終天雄節度使

晏臯仕至左威衛將軍

史臣曰于燕公以儒家子逢時擾攘不持士範非義非  
俠健者不爲末塗淪躓固其宜矣韓王二帥乘險蹈利  
犯上無君豺狼噬人鶴鷓幸夜爵祿過當其可已乎謂  
之功臣恐多慚色

贊曰于子清狂輕犯彛章韓虐王剽專恣一方元和赫  
斯揮劍披攘擇肉之倫爪距摧藏

唐書卷第二百七

唐書卷第二百八

列傳三頁

王翊

兄翊

郗士美

李鄴

孫礪

辛祕

馬總

韋宏景

王彥威

王翊

字宏肱

太原晉陽人也兄翊乾元中累官至京兆少

尹性謙柔淡於聲利自商州刺史遷襄州刺史山南東

道節度觀察等使

案本紀自至德至上元山南東道爲曾旻來真史翊無王翊也此疑屬副

使入朝充北蕃宣慰使稱職代宗素重之及卽位目爲

純臣遷刑部侍郎御史中丞居憲司雖不能舉振綱條



然以謹重知名大厯二年卒

贈戶部尚書諡曰忠惠

翊爲侍郎時

翊自折衝

翊少治兵家天寶中授翊衛尉羽林軍宿衛擢才兼文武科

授辰州刺史

與討襄州康楚元有功加兼祕書少監

遷朗州有威望智術所莅立名大

厯五年

案新書本紀當是四年

遷容州刺史容管經略使自安史

之亂頻詔徵發嶺南兵募隸南陽魯炁軍炁與賊戰於葉縣大敗餘衆離散嶺南谿洞夷獠乘此相恐爲亂其首領梁崇牽自號平南十道大都統及其黨覃問等誘西原賊張侯夏末攻陷城邑據容州前後經略使陳仁琇李抗侯令儀耿慎感元結長孫全緒等雖容州刺史皆寄理藤州或寄梧州及翊至藤州言於衆曰吾爲容

州刺史安得寄理他邑乃出私財募將健許奏以好爵以是人各盡力不數月斬賊魁歐陽珪馳於廣州見節度使李勉求兵爲援勉曰容州陷賊已久羣獠方強卒難圖也若務速攻祇自敗耳郡不可復也翊請曰大夫如未暇出師但請移牒諸州揚言出千兵援助冀藉聲勢成萬一之功勉然之翊乃以手札告諭義州刺史陳仁璀藤州刺史李曉庭等同盟約討賊翊復募三千餘人力戰日數合節度使牒止翊用兵翊慮惑將士匿其牒奮起士卒大破賊數萬衆擒其帥梁崇牽賊遁數百里外盡復容州故境翊發使以聞奏置順州以遏餘寇

前後大小百餘戰生擒賊帥上獻者七十餘人累加銀  
青光祿大夫兼御史中丞充招討處置使翊又令其將  
張利用李實等分兵討襲西原遂收復鬱林諸州部內  
漸安後因哥舒晃殺節度使呂崇賁嶺南復亂翊遣大  
將李實悉所管兵赴援廣州西原賊率覃問復招合夷  
獠曰容州兵馬盡赴廣州郡可圖也於是悉衆來襲翊  
知其來伏兵禦之生擒覃問其衆大敗代宗聞而壯之  
遣中使慰勞加金紫光祿大夫賜第京師時西蕃人寇河中  
元帥郭子儀統兵備之乃徵翊爲河中少尹充節度留  
後領子儀之務有悍將凌正者橫暴擾軍政約其徒夜

謀斬關以逐翊有告者翊縮夜漏數刻以差其期賊驚

而遁卒誅正軍城又安歷汾州刺史

爲振武軍使綏銀等州留後

京

兆尹屬發涇原兵討李希烈軍次滄水翊備俱頓肉敗

糧臭衆怒以叛翊奔至奉天

拜太子詹事

加御史大夫改將

作監從幸山南車駕還京改大理卿出爲福州刺史福

建觀察使入爲太子賓客貞元十二年檢校禮部尚書

代董晉爲東都留守判尚書省事東畿汝防禦使凡開

置二十餘屯市勁筋良鐵以爲兵器簡練士卒軍政頗

修無何吳少誠阻命翊賦車籍甲不待完繕東畿之人

賴之十八年卒時七十餘贈禮部尚書

贈尚書右僕射諡曰肅翊雅善

盧杞之殺崔寧沮李懷光不  
得朝皆與其謀議者以爲訾

郗士美字和夫高平金鄉人也父純字高卿爲李邕張  
九齡等知遇尤以詞學見推與顏真卿蕭穎士李華皆  
相友善舉進士繼以書判制策三中高第登朝歷拾遺  
補闕員外郎中諫議大夫中書舍人處事不迴爲元載  
所忌魚朝恩署牙將李琮爲兩街功德使琮暴橫於銀  
臺門毀辱京兆尹崔昭純詣元載抗論以爲國恥請速  
論奏載不從遂以疾辭退歸東洛凡十年自號伊川田  
父清名高節稱於天下及德宗卽位崔祐甫作相召拜  
左庶子集賢學士到京以年老乞身表三上除太子詹

事致仕東歸洛陽德宗召見屢加褒歎賜以金紫公卿

大夫皆賦詩祖送於都門搢紳以為美談有文集六十

卷行於世士美少好學善記覽年十二通五經史記漢書皆能成誦父友

顏真卿蕭穎士柳芳輩嘗與之討論經傳應對如流既而

相謂曰吾曹異日當交於二郤之間矣永冠為陽翟丞

李抱真鎮潞州辟為從事雅有參贊之績其後易王虔休李

元二帥皆詔士美佐之由房州刺史為黔州刺史兼御

史大夫持節黔中經略招討觀察鹽鐵等使時溪州賊

帥向子琪連結夷獠控據山洞眾號七八千士美設奇

略討平之詔書慰勞加檢校右散騎常侍封高平郡公

再遷京兆尹每別殿延問必咨訪大政出爲鄂州刺史

鄂岳觀察使貞元十八年本紀十五年伊慎有功特授安黃

節度二十年慎來朝其子宥主留事朝廷未能去會宥

母卒於京師利主軍權不時發喪士美命從事託以他

故過其境宥果迎之告以凶問先備肩籃即日遣之德宗

紀貞元二十年士美自房州除黔中其拜鄂岳也本紀無文然以時推之當在元和三年韓臯遷浙西之後此

貞元十八年以下文乃追敘伊慎事非士美之除鄂岳在十八年前也元和五年拜河南

尹明年三月檢校工部尚書潞州大都督府長史充昭

義節度使前政之豐給浮費至皆減損昭義自李抱真以來皆武臣私

厨月費米六千石羊千首酒數十斛又慮從史時日具三百人膳以餉牙兵士美曰卒衛於牙固職也安得廣

費爲私恩

號令嚴肅及朝廷討王承宗士美遣兵馬使王獻  
領勁兵一萬爲前鋒獻兇惡恃亂逗撓不進遽令召至  
數其罪斬之下令曰敢後出者斬士美親鼓之兵旣合  
而賊軍大敗下三營環栢鄉屢以捷聞上大悅曰吾故  
知士美能辦吾事於時四面七八鎮兵共十餘萬以環  
鎮冀未有首功多犯法士美兵士勇故畏法威聲甚振  
承宗大懼指期有破亡之勢會詔班師至今兩河間稱  
之十二年以疾徵爲工部尚書稍間拜忠武節度使檢  
校刑部尚書至鎮踰月寢疾元和十四年九月卒年六  
十四贈尚書左僕射諡曰景士美善與人交然諾之際



唐書卷一百一十五 李懷光傳 七十三  
二  
豁如也當時名稱翕然

李鄘字建侯江夏人北海太守邕之姪孫父暄

新書宰相世系

表作

官至起居舍人鄘大厯中舉進士又以書判高等

授祕書正字爲李懷光所辟累遷監察御史及懷光據

蒲津叛鄘與母妻陷賊中恐禍及親因僞白懷光曰兄

病在洛請母往視之懷光許焉且戒妻子無得從鄘皆

遣行後懷光知責之對曰鄘名隸軍籍不得隨侍老母

奈何不使婦隨姑行也懷光無以罪之時與故相高郢

同在賊廷乃密奏賊軍虛實及攻取之勢德宗賜手詔

以勞之後事洩懷光嚴兵召郢與鄘詰責鄘詞激氣壯

三軍義之懷光不敢殺囚之獄中懷光死馬燧就獄致禮表爲河東從事尋以言不行歸養洛中襄州節度使嗣曹王臯致禮延辟署從事奏兼殿中侍御史入爲吏部員外郎徐州張建封卒其子愔爲將校所迫俾領軍務詔擇臨難不懾者卽其軍以諭之遂命鄜爲徐州宣慰使鄜直抵其軍召將士傳朝旨陳禍福脫監軍使桎梏令復其位兇黨不敢犯及愔上表稱兵馬留後鄜以爲非詔令所加不宜稱號立使削去方受其表遷吏部郎中順宗登極拜御史中丞遷京兆尹尚書右丞元和初以京師多盜復遷爲京兆尹擒姦禁暴威望甚著尋

拜檢校禮部尚書鳳翔尹鳳翔隴右節度使是鎮承前  
命帥多用武將有神策行營之號初受命必詣軍修謁  
鄜既受命表陳其不可詔遂去神策行營字但爲鳳翔  
隴右節度未幾遷鎮太原入爲刑部尚書兼御史大夫  
諸道鹽鐵轉運使五年冬出爲揚州大都督府長史淮  
南節度使鄜前在兩鎮皆以剛嚴操下遽變舊制人情  
不安故未幾卽改去至淮南數歲就加檢校左僕射政  
嚴事理府廩充積及王師征淮夷鄆寇李師道表裏相  
援鄜發楚壽等州二萬餘兵分壓賊境日費甚廣未嘗  
請於有司時憲宗以兵興國用不足命鹽鐵副使程昇

乘驛諭江淮諸道俾助軍用鄜以境內富實乃大籍府庫一年所蓄之外咸貢於朝廷諸道以鄜爲倡首悉索以獻自此王師無匱乏之憂先是吐突承璀監淮南軍貴寵莫貳鄜亦以剛嚴素著而差相敬憚未嘗相失承璀歸遂引以爲相十二年徵拜門下侍郎同平章事鄜出入顯重素不以公輔自許年侵勢過頗安外鎮登祖筵聞樂而泣下曰宰相之任非吾所長也行頗緩至京師又辭疾歸第旣未朝謁亦不領政事竟以疾辭改授戶部尚書俄換檢校左僕射兼太子賓客分司東都尋以太子少傅致仕元和十五年八月卒贈太子太保諡

曰肅鄘強直無私飾與楊憑穆質許孟容王仲舒友善  
皆任氣自負然鄘當官嚴重爲吏以峻法立操所至稱  
理而剛決少恩鎮揚州七年令行禁止擒擿生殺一委  
軍吏參佐束手居人頗陷非法物議以此少之子柱

新書

無官至浙東觀察使

拭歷宗正卿京兆尹河東鳳翔節度使以祕書監卒

柱子礫

新書拭子

字景望博學多通文章秀絕大中十三年

一舉登進士第歸仁晦鎮大梁穆仁裕鎮河陽自監察

殿中相次奏爲從事入爲尚書水部員外郎累遷吏部

郎中兼史館修撰拜翰林學士中書舍人廣明中分司

洛下

劾奏內園使郝景全不法事景全反摘礫疏犯順宗嫌名坐奪俸礫上言因事告事旁訟他人者咸

通詔語也禮不諱嫌名律廟諱嫌名不坐豈臣所引詔書而有司輒論奏臣恐自今用格令者委曲迴避旁緣爲姦也詔巢讓之亂逃於河橋時留守劉允章爲賊首

遣人就礮索印拒不與允章悟亦不臣賊光啓中避亂淮海有僞襄王詔命

礮皆不從淮南高駘受僞命礮若諫不納入爲王鐸鎮

滑臺杖策詣之鐸表薦於朝昭宗雅重之復召入翰林

爲學士拜戶部侍郎遷禮部尚書景福二年新書乾寧元年舊書

昭宗紀同當從新書十月與韋昭度並命中書門下平章事宣制

日水部郎中知制誥劉崇魯掠其麻哭之奏云李礮姦

邪挾附權倖以忝學士與中人楊復恭昵款其弟爲時溥所殺不合爲相

時宰臣薛昭緯與昭度及礮素不相協密遣崇魯沮之

也乃左授太子少師新書碓因上十章及納諫論三篇

自雪且數崇魯之惡初崇魯父坐受賄仰藥死故碓以醜語及之議者重其

才而鄙其訟昭宗素愛其才而決於大用至乾寧初又

上第十一表乃復命為相李茂貞等上言深詆其非帝不獲已又罷為太子少師

數月與昭度同為王行瑜等所殺茂貞及王行瑜韓建擁兵闕下列碓罪殺

之於都亭驛碓自在臺省聚書至多手不釋卷時人號曰李

書樓所撰文章及注解書傳之闕疑僅百餘卷經亂悉

亡王行瑜死德音昭雪贈司徒諡曰文子沈字東濟有

俊才與父同日遇害詔贈禮部員外郎

幸祕隴西人少嗜學貞元中累登五經開元禮科選授

華原尉

新書  
主簿

判入高等調補長安尉高郢爲太常卿嘉

其禮學奏授太常博士遷祠部兵部員外郎仍兼博士  
山陵及郊邱二禮儀使皆署爲判官當時推其達禮元  
和初拜湖州刺史未幾屬李錡命將收支郡遂令大將  
監守五郡蘇常杭睦四州刺史或以戰敗或被拘執賊  
黨以祕儒者甚易之祕密遣衙門將邱知二勒兵數百  
人候賊將動逆戰大破之知二中流矢墜馬起而復戰  
斬其將焚其營一州遂安賊平以功賜金紫由是僉以  
祕材堪將帥及太原節度范希朝領全師出討王承宗  
徵祕爲河東行軍司馬委以留務尋召拜右司郎中出



爲汝州刺史九年徵拜諫議大夫改常州刺史遷爲河南尹莅職修政有可稱者十二年拜檢校工部尚書代郗士美爲潞州大都督府長史御史大夫充昭義軍節度澤潞磁洛邢等州觀察使是時以再討王承宗澤潞壓境凋費尤甚朝議以兵革之後思能完復者遂以命祕凡四歲府庫積錢七十萬貫餼糧器械稱是及歸道病先自爲墓誌將歿又爲書一通命緘致几上其家發之皆送終遵儉之旨久歷重任無豐財厚產爲時所稱元和十五年十二月卒年六十四贈左僕射諡曰昭

新書

諡曰肅後  
更諡懿

馬總字會元扶風人少孤貧好學性剛直不妄交遊貞

元中姚南仲鎮滑臺辟爲從事南仲與監軍使

薛盈珍

不

協監軍誣奏南仲不法及罷免總坐貶泉州別駕監軍

入掌樞密福建觀察使柳冕希旨欲殺總從事穆贊鞫

總贊稱無罪總方免死後量移恩王傅元和初遷虔州

刺史四年

本紀五年

兼御史中丞充安南都護本管經略使

總敦儒學長於政術在南海累年清廉不撓夷獠便之

於漢所立銅柱之處以銅一千五百斤特鑄二柱刻書

唐德以繼伏波之迹以綏蠻功就加金紫八年轉桂州

刺史桂管經略觀察使入爲刑部侍郎裴度宣慰淮西

奏爲制置副使吳元濟誅度留總蔡州知彰義軍留後

尋檢校工部尚書蔡州刺史兼御史大夫充淮西節度

使總以申光蔡等州久陷賊寇人不知法威刑勸導咸

令率化奏改彰義軍曰淮西賊之僞迹一皆削盪十三

年轉許州刺史忠武軍節度陳許澠等州觀察處置等

使明年改華州刺史潼關防禦鎮國軍等使十四年李師

道平析郟曹濮等爲遷檢校刑部尚書郟州刺史天平

軍節度郵曹濮等州觀察使長慶初劉總上幽鎮地詔

用之會總率穆宗以郟就加檢校尚書左僕射入爲戶

部尚書長慶三年卒贈右僕射諡曰總理道素優軍政

多暇公務之餘手不釋卷所著奏議年麻通麻子鈔等書百餘卷行於世

韋宏景京兆人後周逍遙公瓊之後祖嗣立終宣州司

戶父堯終洋州興道令

新書宏景不著其父而附於韋思謙傳以爲思謙子嗣立之孫

考嗣立封逍遙公其後爲小逍遙公房以別於瓊也宏景之祖亦名嗣立非思謙之子也宰相世系表極多牽附而此獨不誤傳乃以爲逍遙公嗣立之孫附於思謙之傳又以嗣立子無名堯者遂削宏景父名不得舊書不幾使宏景有冒祖之譏乎宏景貞元中始舉進士爲汴州浙東從

事元和三年拜左拾遺充集賢殿學士轉左補闕尋召入翰林爲學士普潤鎮使蘇光榮爲涇原節度使宏景草麻漏敘光榮之功罷學士改司門員外郎轉吏部員

外郎左司郎中改吏部度支郎中張仲方貶李吉甫諡  
上怒貶仲方宏景坐與仲方善出爲綿州刺史宰相李  
夷簡出鎮淮南奏爲副使賜以金紫入爲京兆少尹遷  
給事中劉士涇以駙馬交通邪倖穆宗用爲太僕卿宏  
景與給事薛存慶封還詔書論士涇曰伏以司僕正卿  
位居九列在周之命伯冏其人所以惟月膺名象河稱  
重漢朝亦以石慶之謹愿陳萬年之行潔皆踐斯職謂  
之大僚今士涇戚里常人班敘散秩以父任將帥家富  
貲財聲名不在於士林行義無聞於朝野忽長卿寺有  
瀆官常以親則人物未賢以勳則寵待常厚今叨顯任

誠謂謬官傳曰惟名與器不可假人蓋士涇之謂臣等職司違失實在守官其劉士涇新除太僕卿敕未敢行下穆宗遣宰臣宣諭宏景等固執如前宰臣不得已改衛尉少卿穆宗復遣諭宏景曰士涇父昌有邊功士涇爲少列十餘年又尚雲安公主宜有加恩朕思賞勞睦親之意竟行前命穆宗怒乃令宏景使安南邕管宣慰時論翕然推重時蕭俛以清直在位宏景議論常所輔助遷刑部侍郎轉吏部侍郎銓綜平允權邪憚其嚴勁不敢干以非道掌選二歲改陝虢觀察使歲滿徵拜尚書左丞駁吏部授官不當者六十人

於是鄭綱丁公著揚嗣復皆奪俸

唐書三  
宏景素以鯁亮稱及居綱轄之地郎吏望風修整會吏部員外郎楊虞卿以公事爲下吏所訕獄未能辨詔下宏景與憲司就尚書省詳讞虞卿多朋游人多嚮附之宏景素所不悅時已請告在笈及準詔就召以公服來謁宏景謂之曰有敕推公虞卿失容自退轉禮部尚書充東都留守判東都尚書省事繕完宮室至今賴之大和五年五月卒年六十六贈尚書左僕射宏景歷官行事始終以直道自立議論操持無所阿附當時風教尤爲倚賴自長慶已來自爲名卿

王彥威太原人世儒家少孤貧苦學

舉明經  
甲科

九通三禮

無由自達元和中遊京師求爲太常散吏卿知其書生  
補充檢討官彥威於禮閣掇拾自隋已來朝廷沿革吉  
凶五禮以類區分成三十卷獻之號曰元和新禮繇是

知名特授太常博士

憲宗以正月崩有司議葬以十二月下宿彥威建言天子之葬七月

春秋之義志崩不志葬必其時也舉天下葬一人故過期不葬則譏之高祖中宗葬皆六月太宗四月高宗九月睿代二宗皆五月德宗十月順宗七月惟元肅二宗皆十二月有爲爲之非常典也且葬畢而虞虞而卒哭卒哭而祔皆卜日今卜歲暮則畢祔在明年正月是改元慶賜皆廢矣有詔用五月憲宗晏駕未定謚淮南節度使李夷簡以憲宗功高列聖宜特稱祖

穆宗下禮官議彥威奏曰據禮經三代之制始封之君謂之太祖太祖之外又祖有功而宗有德故夏后氏祖



顯頊而宗禹殷人祖契而宗湯周人郊祀后稷祖文王而宗武王自東漢魏晉漸違經意沿革不一子孫以推美爲先自始祖已下並有建祖之制蓋非典訓不可法也國家祖宗制度本於周禮以景皇帝爲太祖又祖神堯而宗太宗自高宗已降但稱宗謂之尊名可爲成法不然則太宗造有區夏理致昇平元宗掃清內難翼戴聖父肅宗龍飛靈武收復兩都此皆應天順人撥亂反正至於廟號亦但稱宗謹按經義祖者始也宗者尊也故傳曰始封必爲祖書曰德高可宗故號高宗今宜本三代之定制去魏晉之亂法守貞觀開元之憲章而擬

議大名垂以爲訓大行廟號宜稱宗制從之故事祔廟之禮先告於太極殿然後奉神主赴太廟祔禮畢不再告於太極殿時憲宗祔廟禮畢執政詳舊典令有司再告祔享禮畢於太極殿彥威執議以爲不可執政怒會宗正寺進祝版誤以憲宗爲睿宗執政銜其強奏祝版參差博士之罪彥威坐削一階奪兩季俸彥威殊不低迴每議禮事守正不阿附君子稱之累轉司封員外郎郎中宏文館舊不置學士文宗特置一員以待彥威尋使魏博宣慰特賜金紫五年遷諫議大夫朝廷自誅李師道收復淄青十二州未定戶籍乃命彥威充十二州

勘定兩稅使朝法振舉人不以爲煩以本官兼史館修撰彥威通悉典故宿儒碩學皆讓之時以僕射上事儀注前後不定中丞李漢奏定朝議未以爲允中書門下奏請依元和七年已前儀注左右僕射上日請受諸司四品六品丞郎已下拜彥威奏論曰臣謹按開元禮凡受冊官並與卑官答拜國朝官品令三師三公正一品尚書令正二品並是冊拜授官上之日亦無受朝官再拜之文僕射班次三公又是尚書令副貳之職雖端揆之重有異百僚然與羣官比肩事主禮曰非其臣卽答拜之又曰大夫之臣不稽首非尊家臣以避君也卽僕

射上日受常參官拜事頗非儀況元和七年已經奏議酌爲定制編在國章近年上儀又有受拜之禮禮文乍變物論未安請依元和七年敕爲定時李程爲左僕射宰執難於改革雖不從其議論者稱之興平縣人上官興因醉殺人亡竄吏執其父下獄興自首請罪以出其父京兆尹杜棕御史中丞宇文鼎以其首罪免父有光孝義請減死配流彥威與諫官上言曰殺人者死百王其守若許殺人不死是教殺人興雖免父不合減死詔竟許決流彥威詣中書投宰相面論語許氣盛執政怒左授河南少尹未幾改司農卿李宗閔重之旣秉政授

青州刺史兼御史大夫充平盧軍節度淄青等觀察使  
開成元年召拜戶部侍郎尋判度支彥威儒學雖優亦  
勤吏事然貨泉之柄素非所長性旣剛訐自恃有餘嘗  
紫宸廷奏曰臣自計司案見管錢穀文簿皆量入以爲  
出使經費必足無所刻削且百口之家猶有歲蓄而軍  
用錢物一切通用悉隨色額占定終歲支給無毫釐之  
差倘臣一旦愚迷欲自欺竊亦不可得也名曰度支占  
額圖旣而又進供軍圖曰起至德乾元之際迄於貞元  
元和之初天下有觀察者十節度二十有九防禦者四  
經略者三犄角之師犬牙相制大都通邑無不有兵都

計中外各額至八十餘萬長慶戶口凡三百三十五萬而兵額約九十九萬通計三戶資一兵今計天下租賦一歲所入總不過三千五百餘萬而上供之數三之一焉三萬之中二給衣賜自留州留使兵士衣賜之外其餘四十萬衆仰食度支伏以時逢理安運屬神聖然而兵不可弭食哉惟時憂勤之端兵食是切臣謬司邦計虔奉睿圖輒纂事功庶裨聖覽又纂集國初已來至貞元帝代功臣如左氏傳體敘事號曰唐典進之彥威旣掌利權心希大用時內官仇士良魚宏志禁中用事先是左右神策軍多以所賜衣物於度支中估判使多曲

從厚給其價開成初有詔禁止然趨利者猶希意從其

請託至是彥威大結私恩凡內官請託無不如意物議

鄙其躁妄復修王播舊事貢奉羨餘殆無虛日會邊軍

上訴衣賜不時兼之朽故宰臣惡其所爲令攝度支人

吏付臺推訊彥威略不介懷入司視事及人吏受罰左

授衛尉卿停務方還私第三年七月案本紀當是五年九月檢校

禮部尚書代殷侑爲許州刺史充忠武軍節度陳許澠

觀察使毀山房三千餘所盜無所容徙節宣武封北海縣子會昌中人爲兵部侍

郎歷方鎮檢校兵部尚書卒贈僕射諡曰靖

史臣曰世以治軍戎決權變非儒者之事而王栩郗士

美釋縫掖之儒衣奮將軍之旗鼓俾士赴湯火威振藩  
籬何其壯也所謂非秦無人吾謀適不用也二子遭遇  
英主伸其効用宜哉李建侯不屈於賊庭馬會元見伸  
於貝錦臨危挺操所謂貞臣將相之榮固其宜矣辛潞  
州之特達韋僕射之峻整王尚書之果敢皆一時之偉  
器也若以道自牧求福不回卽能臣也而彥威欲爲巧  
宦不亦疎乎

贊曰見危致命臨難不恐士美建侯仁者之勇宏景陸  
離駁正黃扉貪名喪道狂哉彥威



